



Uunga:

Inatsisartunut ilaasortaq Kuupik Kleist, Inuit Ataqatigiit

Inatsisartunut ilaasortaq Kuupik Kleist-imit, Inuit Ataqatigiinnit § 36, imm. 1 naapertorlugu apeqquteqaammut allakkatigut akissut.

17. oktober 2008

Aallarniutigalugu malugeqqussavara inuiaqatigiit pisortanillu aqunneqartut ingerlatseqatigiiffiit taarsigassarsisariaqalernermikkut taarsigassarsiniartarnernut pissaaffigititaasut annertussuserisartagaat aammalu taamatut iliornikkut piumasaasartut suusarnersut qanorlu qularnavequsiisarnernut piumasaqaatit isikkoqartarneri pillugu apeqquteqaatit akissuteqarfigineqarnissaat Ingerlatseqatigiiffinnut Allattoqarfimmit tiguneqarsimammat.

Postboks 1037
3900 Nuuk
Oq/tel +299 34 50 00
Fax +299 32 46 14
oed@gh.gl
www.nanoq.gl

Inatsisartut suleriaasinanni § 36, imm. 1 naapertorlugu apeqqutinut allakkatigut akissutikka matumuunga nassiuppakka:

Apeqqut:

Aningaasat tigoriaannaat uninngasuutaasut aningaaserivinni imaluunniit taarsigassarsisitsisarfinni sorlerni aammalu suut inissiinermi tunngavigalugit inisseqqa-vaat?

Akissut:

2007-ip naanerani namminersorerullutik oqartussat aningaaserivinni uninngasuutaat 759 mio. kr.-iusimapput aamma obligationitigut uninngasuutaat 1.503 mio. kr.-iusimallutik.

Aningaaserivinni uninngasuutit ullumikkut aningaasat taakku affaattut amerlatigipput.

2008-mi upernaap tungaanut aningaaseriviit akunnattumik angissusillit sisamat namminersorerullutik oqartussanit aperineqarput piffissami erseqqinnerusumik aalajangersimasumi aningaasat aalajangersimasumik annertussusillit ernialersornissaannut neqerooruteqarsinnaanersut. Iluanaarutaasinnaanerpaanik neqerooruteqartoq namminersorerullutik oqartussanit toqqarneqarpoq.

April 2008-miit namminersorerullutik oqartussat akissaqarnermikkut sinneqartoortaat Grønlandsbaneknemi taamaallaat inissittalerpai tamatumalu

peqatigisaanik aningaasat aalajangersimasumik annertussuseqartut qaffa-sinnerusumik ernialersornissaat pillugit isumaqatigiittoqarluni. Aningaasat pituttuinertaqanngitsumik inissinneqarput.

Apeqqut:

Aningaasaliisartut aammalu taarsigassarsisitsiisarfiit sorliit Namminersornerullutik Oqartussat tamakkiisuumik ilaannakortumilluunniit isumaqatigiisuteqarfigalugit suleqatigivaat?

Akissut:

Immikkoortumi tassani namminersornerullutik oqartussat isumaqatigiisuteqanngillat, niuerfimmili ingerlataqartut anginerusut arlallit ingerlaavartumik attavigineqartarlutik niuerfiusorlu malinnaaffigeqqissaarneqarluni.

Apeqqut:

Aningaasat qanoq amerlatigisut Namminersorullutik Oqartussat tigoraa-nartut pigisaat pappialanut aningaasatut nalilikkanut (pantebrevit assigisaalu) ilimmaakkatut inissinneqarnikuuppat, kikkullu taakua ingerlaarnerat ni-oqputigineqartarneralluunniit aquppaat?

Akissut:

Ukiup naanerani namminersornerullutik oqartussat aktianik ingerlatseqatigiiffinni 17-ini piginneqataassuteqarput taakkulu 2.664 mio. kr.-it nalinginut pi-siarineqarsimallutik. Aktiaatigisat 2007-mut naatsorsuutininut ilanngussami nalunaarsugaq 9-mi, ilanngunneqartumi erseqqissaaffigineqarput. Ingerlatseqatigiiffiit amerlanersaat Namminersornerullutik Oqartussanit 100 procentimik pigineqartuupput, taakkunangalu taaneqarsinnaallutik ingerlatseqatigiiffiit KNI, Tele Greenland aamma Royal Greenland. Aktiatigut pigisat Naalakkersuisunit aqunneqarput.

Taakku saniatigut namminersornerullutik oqartussat obligationini aamma aningaaserivinni uninngasuuteqarput.

Obligationitigut pigisat inuussutissarsiutigalugu taamatut ingerlataqartumit Sparinvest A/S-imit aqunneqarput.

Taakku saniatigut aningaasanik tigoraaannarnik allani inissisimasoaqanngilaq.

Apeqqut:

Naalakkersuisut nalunaarutigisinnaanerpaat, inuiaqatigiit pisortanillu aqunneqartut ingerlatseqatigiiffiit taarsigassarsisariaqalernermikkut taarsigassarsiniartarnernut pisussaaffigititaasut annertussuserisartagaat aammalu taamatut iliornikkut piumasaasartut suusarnersut qanorlu qularnavequsii-sarner-nut piumasaqaatit isikkoqartarneri? (Namminersornerullutik Oqartussat ingerlatseqatigiiffiit pigisaat sukumiisumik erseqqarissumillu Inatsisartut aningaasanut inatsisissaanni siunnersuummi nalunaarsarnikuupput)

Akissut:

Aktiitigut ingerlatseqatigiiffinni tamakkiisumik ilaannakuusumilluunniit namminersornerullutik oqartussanit pigineqartut anginerit tallimat, ulloq 31.12.2007-mi ingerlatseqatigiiffiit kingullermik ukiumoortumik nalunaarusiani naatsorsuinerat tunngavigalugit Naalakkersuisut matumuuna piffissami sivikitsumi aamma piffissami sivisuumi akiitsutigut pisussaaffiit pillugit takussutissat saqqummiutissavaat. Piffissami sivikitsumi akiitsutigut pisussaaffiit tassaapput pisussaaffiit ukiup ataatsip ingerlanerani isumannaarneqartussat, akerlianillu piffissami sivisuumi akiitsutigut pisussaaffiit tassaallutik akiitsut ukioq ataaseq sinnerlugu inissinneqarsimasut.

Ukiumoortumik nalunaarusiat aamma ingerlatseqatigiiffiit nittartagaanni imaluunniit Erhvervs- og Selskabsstyrelsenimit pissarsiarineqarsinnaapput.

Tabel 1: Ingerlatseqatigiiffinnut namminersornerullutik oqartussanit tamakkiisumik ilaannakuusumilluunniit pigineqartunut anginerit tallimanut kisitsitigut paasissutissat¹.

Aqqa 1000 kr.	Pigisat an- nertussus- aat	Piffissami si- vikitsumi akiitsu- tigut pisussaaffiit	Piffissami si- visuumik akiitsu- tigut pisussaaffiit	Akiitsutigut pisussaaffiit ta- marmiusut
Royal Gre- enland	100 %	1.237.716	1.689.526	2.927.242
KNI	100 %	886.015	175.365	1.061.380
Air Green- land	27,5 %	273.455	67.171	340.626
Royal Arc- tic Line	100 %	163.713	84.732	248.085
Tele Greenland	100 %	106.964	35.226	142.191

Soorlu tabel 1-imit takuneqarsinnaasoq ingerlatseqatigiiffiit annertuunik annikinerusunillu akiitsoqarput. Malugineqartariaqarpoq Tele Greenland aamma Royal Arctic Line marluullutik 2008-ip ingerlanerani sanaartornertut annertuunik aningaasaliinikummata, tassunga ilanngullugu immap naqqatigut kabelimut aamma umiarsuarnut marlunnut nutaanut aningaasaliinerit. Taakku marluk aningaasaliineri 600 – 700 mio. kr.-inik annertussuseqarput, soorunami ukiup tullianut ukiumoortumik nalunaarusianit aatsaat takuneqarsinnaassallutik.

Tamanut ammasumik § 36, imm. 1 naapertorlugu apeqqummi taarsigassarsiat ingerlatseqatigiiffinnit qanoq atorneqarsimanersut ilisimatitsissutigisinnaanngillat. Uani pineqarpoq ingerlatseqatigiiffinnut ataasiakkaanut atatillugu paasissutissat mi-anernartuuneri.

Apeqqut:

Namminersornerullutik Oqartussat maani Nunatsini aningaaseriveqarnikkut

¹ Najooqutaq: ingerlatseqatigiiffinnut pineqartunut 2007 pillugu ukiumoortumik nalunaarusiat

ingerlatsisut, assersuutigalugit GrønlandsBANKEN aamma Sparbank, aningaasat kaaviigaartinneranni qanoq attaveqarfigitigaat?

Akissut:

Namminersornerullutik Oqartussat sulineranut atatillugu akiliisinnaassusiat 380 mio. kr.-it missaaniittut GrønlandsBANKEN-imi inississimapput tassanilu 13,7 pct.-imik piginnittuulluni.

Sparbankimi 10 mio. kr.-it missaaniittut inissisimapput.

Apeqqut:

Naalackersuisut nalunaarutigisinnaanerpaat Nunatta, Namminersornerulluni Oqartussaanerup iluani, taarsigassarsiat qanoq katillutit amerlassuseqarneri, aammalu taarsigassarsiortortoqarsimassappat taakku akilersorsinnaanerirut tatiginassutsip upperineqarsinnaanera qulakkeerneqarsimanersoq, ingerlatsiviit susassaqarfigineqartut qularnaveequseeqqiffiginerisigut?

Akissut:

Nunatta Karsia taarsigassarsinikuunngilaq. Arlalinnik qularnaveeqqusisoqarsimavoq. Taakka nunatta karsiata peratarsinnaasunut pisussaaffittut allasimapput akissummullu ilanngunneqarlutik.

- ./. Nalunaarsuut nr. 9 2007-mut nunatta karsiata naatsorsuutaanit
- ./. Peratarsinnaasunut pisussaaffiit pillugit immikkoortoq, 2007-mut nunatta karsiata naatsorsuutaanit

Taamaalillunga neriuppunga apeqqutitit naammattumik akissuteqarfigisimallugit.

Ikinngutinnersumik inuulluaqqusillunga

Per Berthelsen
Aningaasanut Nunanullu Allanut Naalackersuisoq